



محرم، تاپی اولمایان حماسه‌نین آبی و همیشه دیری قالان تاریخ‌دیر. قانین قیلینجا ظفر چالیدی آبی، ناب اسلامین دیری قالماسینا سبب اولان اللهین لاپ یاخجی بنده‌سی‌نین قانی‌نین یئره تۆکولدوغو آبی.

محرمده تاریخ وسعتینده حماسه باش وئریب. بو آیدا یئر اوزونو پروردگارین لاپ مظلوم بنده‌سی‌نین فراق غصه‌سی بورویوب کی یوزلر ایل بوندان اول پاکلارین نسلیندن بیر انسانین حقیقی سعادت یولوندا دوشمنلرین جنگینه گئتمه‌سینی و شجاعت و شهامت درسینی وئردیگینی بشرین یادینا سالسین.

اسلام فرهنگینده محرم جانلی تاریخ‌دیر، آما عادی و گونده‌لیق تاریخ یوخ بلکه درین بیر تحوّل و تاریخ یارادان انقلاب و بوتون حماسه‌لرین منشأی.

امام حسین (ع) یزیدله مبارزه ائله‌سه ده حقیقته بوتون جهالتلر و ضلالتلرین ساواشیدی و بئله‌لیغیان انسانلارا ظلم قباغیندا داپناماگی و حماسه یاراتماگی اؤرگندی.

محرم آبی بؤیوک انسانلارین رشادت و شجاعتلری اینن بیر گلیر. او حساس زماندا ایتاردان و وفادان بؤیون قاچیرتمايان انسانلار: کربلانی سقاسی آدلانان حضرت ابوالفضل (ع) و یئر اوزونده پیغمبره (ص) سیرت و صورته لاپ اوخشار شخص حضرت علی اکبر (ع) کیمی انسانلار بو گون شجاعتله مبارزه ائدیپ شهادته چاتدیلا.

14 یاشلی نوجوان قاسم بن حسن (ع) شجاعت و شهامتله جهادا اوز توتدو و جنگ میدانیندا شجاعتله ساواشیب شهید اولدو.

دوشمن قوشونوندان امام حسین (ع) لشکرینه قوشولان حربن بن ریاحی توبه ائله‌یب امامدان جنگ اذن آلدان سونرا مبارزه میدانینا گئدیپ عمر سعین سردارلاریندان نچه‌سینی اؤلدوردن سونرا شهادته چاتدی.

حضرت زینب (س) و امام سجاد (ع) کربلا صحنه‌لری‌نین شاهدی اولاندان سونرا کربلا‌لیلارین شجاعت و رشادت‌لری‌نین راویسی اولدولار و یزیدی رسوای ائله‌ماغیان عاشورا واقعه‌سینی اؤز خطبه‌لرین جاویدان ائله‌دیلا.